

明左右報擊此步以收五行不宜我命者災衰

天地水三官凶惡之鬼以右手倒懸左手為拳拳十五下註下重十五斤擊鬼步畢埋鬼天橋下存天橋星在北西存祝曰

五行相推金木相伐水火相滅云云檢鬼刀

支訣在流珠掌圖此祝及前十一祝甚能除

家國殃崇并疾病厄有須消之從初祭告周

帛先誦五祝及十二祝啓自滅應口除須履

三台五星各三遍萬事無能害者即言功

右初言魁頭擊祝事訖言功東向鳴鼓十二

通口啓註案文亦得不必口啓臣則玄謹請

天師女師云云文在流珠上卷中此法後聖

授天師天師係代相傳付行之一年萬妖伏

二年萬兵畏三年長生天下萬鬼千神皆自

賓伏註有人雙修直至十四年有人行此法

三四年通神驗後即不為但飛天綱而已要

除災害驅使主兵使為之速於水火之急也

昔王君長雙修十年便昇天真若飛天網躡

地紀夫一則萬無成事須先從地紀授後乃

依法直到天綱三日三夜九時行道方始得
周非人不傳此書欲傳師皆前試之以作噴
炁色惡言罵辱之不動心色乃可付授書寫

金鎖流珠引卷之二



金鎖流珠引卷之三

道藏卷之三 金鎖流珠引卷之三 洪百堅 注

中 華 仙 人 李 澤 風 注

初受三五法

夫志人受法錄初受三五之法未知其理分

別三者三元註上中下三元前聖老君謂之

太一註出太玄故曰太一太極真人受之於

太上老君分符啟契以盟二天師與弟子同

在壇中一一唱將軍姓名而度弟子唱受受

後不得妄行元初令刺子血以為水水和之

師弟子飲之為盟各下髮為結結錄為誓約

約不肯師及道及背三官當以考召其身史

共先生其罪可不慎之謹其身故為盟誓也

之法錄本有一千七百九十卷以太一為名

謂之天教三者名曰三元錄五者名曰五行

錄其三五之法則為上中下三等法也修真

道之部上部天人所修中部神人所修下部

世人所修故從三元而修上至天真中至神

仙下至人仙世人屬居下界故先真仙下法

所修進中上也此書上極畢上部中極中部

下極下部號曰太一三五金籙玉籙內典註
 後聖改為正一之法名曰金籙流珠也後聖
 君傳授正一真人註張天師是也號正一真
 人便因名三五正一為號三者是三元五者
 是五行也天地之精亦人之五靈註五行在
 天為五星在地為五教在人為五藏若能存
 思安鎮五藏五行神常備具則堅牢不敗不
 壞便是真人長生不死謂之曰五靈也能明
 三五法即得長生此正一法籙本一千七百
 九十卷三十六百二十四階後聖君以為三
 元部之上部名曰上元主天註應是天上大
 真大神大仙之衆皆有籙字也置三大將
 軍籙部領一千三百六十階籙註二百二十
 四階傳於下土洞天中是一百二十階出世
 世人得是者皆任神仙天官上品即長生真
 人也若欠闕不足即不得長生也中元主人
 亦有三大將軍主領一千階籙註五百六十
 階傳下世洞天中是二百四十八階出人世
 世人得是者皆任大真官欠闕不足即不度
 世也下元主地及水亦三大將軍主領一千

一百五十二階籙註八百七十二階傳下世
 洞天中是五百五十階出人世世人得是者
 皆任地仙也欠闕不足即不得延命壽託化
 貴門也以為三統部領立三元將軍防衛於
 內治身救人置三官主掌於外驅鬼使神制
 約人物皆是三元五星之所主也皆秘於上
 天正一之籙都有三千六百二十四階下界
 修行之人知有其數者亦得入長生之位人
 也何況受得傳留或流世足者便是仙人更
 以修行十年之外白日上昇天真後聖君再
 言人世有修行之士上元足者任為天仙中
 元足者任為人中之仙下元足者任為地仙
 三元俱足者其任為天仙之官真人之位功
 滿白日拔宅上昇如世有師可一一依師口
 言立誓及信不得違犯科盟犯即天罰三官
 記錄不得為真人故言初受三五之法授受
 不可妄行卿須教授初學者使依師約命行
 用令後人繼代存師有靈有驗註後聖為道
 陵之師陵日日思存不休如卿亦想如見捨
 訣存之一年功力神通制伏秋菓鬼賊畏而

伏罪舍死陵以救之不伏罪之者陵以誅之
 於是蜀川鬼獄之地為福德之鄉人鬼得恩
 元不敬奉之時天地舉功後聖遷為三天正
 一真人號三天大法師子孫繼代拔宅上昇
 是其志心存想今傳授正一上清法師之功
 應驗修行平數功滿舉家得道俱昇真繼代
 神通流出吾法謂之流珠此即是大道上足
 弟子也若遇非人所見所聞問以虛言但以
 不言皆以他對此即名金鎖故改神仙之正
 法名金鎖流珠三五之法初受義也小玉君
 曰夫為師之道先明其三五太一註太一者
 本上清太玄之法也老君取名太一之經籙
 定三等也正一後聖君再言正者正其心一
 者通其道也註陸法師解玉真其心從一取
 道道之性元偏黨正五過心若能志氣抱直
 而行心性不生二三則道不離心性故經云
 道生一是也其正一之名管通於三五之部
 註上部上元中部中元下部下元五隨之上
 部言上清中部言正一註正一言人身之事
 故言居中元中部靈寶玉符五教具形圖言

地上之法故合居下元下部是也下部言五
法是後聖君傳授之時有三部分付大王君
方平二百五十六號曰三元置三元齋註時
泰始王四年正月十五日授度也茅君善時
同七十卷而為仙人王君為其人而已分為

三元法錄註法是經无史矣將軍神人形名
錄是天符書天之文管天之神符書赫弄形
影霧容上則正於天中則正人制神下則檢
約地水龍鬼精效之炁今歸正道也謂之天
地人上元約天通錄上清註上清經法符錄
皆屬上元所部形影三百六十階中元制神
助人達通治病助國下元攝錄地水神鬼精
妖之炁役使神靈鬼精等祐人除斥災害之
法用下元之法也後聖君曰上元之法主天
官中元之法主人身中仙靈官也下元之法
主地水中仙靈官也各有主將吏兵以約三
官中神鬼精效今不為人天崇害故上聖置
三五經圖正一之道註正一者正心取道更
元二三故名正一後聖君見其大道門戶精
多後學者初心建惑恐失其真性故上於太

上大道君前請改金錄玉錄經名教化下界
人民令一心敬信者入一門中精修便令得
道而取名曰正一此法者一向正心求修至
真不以邪見或志以至功德得道不在捨妻
棄子不在地教樓山棄官隱世後令成道後
聖君三為宰輔七百五十年任殿同事六十
四天子而上昇為上清太平金闕帝晨後聖
玄元玉皇上帝君皇在山林之中棄捨妻子
絕教隱世而得也

初受及修求門戶具首註初受上清法引老
君曰夫上清法者最上清高上至真至聖太
上大道君內玉籙金錄大法也以管上清太
上諸君丈人諸天帝君大神之官上仙真官
上靈官將軍兵士吏等百千億萬眾皆上清
經法錄之部使也初受時可齋戒七日告盟
天地日月星宿訖仍令列一道者啓告於保
舉師請保身身心謹直節志虔懇奉慕大道
萬里尋師註如近即云負笈尋師伏乞尋師
慈仁見照與某保舉凡身進啓某尋師門下
進受

上清玉錄云云等二十四階或三十六階得
恩賜許敢負違盟約七祖為盟誓敢輕師負
道身謝三官以死無恨謹陳口啓未敢冒辭
再拜註如許即於傳度儀上具辭投辭此一
一依師所破用而力所不辨即拜告請言此
物辨力所不及尋師放得即立壇三日三夜
陳告十方泰啓太上道君太上老君太平金
闕帝晨後聖玄元玉皇上帝君三聖天尊皆
黃表赤文符告報後方始得授傳授傳皆依
儀法初受三註上中下三元也五註五星五

靈五行五聲五形五藏五指五頭五炁金銀
流珠經云在天為五星在道為五靈在神為
五行在樂為五聲在地為五嶽在人為五藏
在手為五指在陰為五頭在禁術為五炁故
為之三五一十五人之性命屬此五行也後
聖君告尹真人曰云人知受三五者各有
其功隨師指授也志人依師師與依儀不違
若付法訣投授如此之志皆得成道經云至
道為師志人受道受柱三元德劫長存受畢
五星迴出長生神仙度世飛昇上清之法法
十二

Copyrighted material

在他國亦往他國註經云明師上法在他方
 國土欲求受者身不遠千里而求師不可
 若請師來亦非法也如若有五命身不由
 心即種請種請不違科律法在靈山亦往靈
 山註後聖君告後聖大司馬曰卿學道仰貴
 輕賤不可得道備卿之身夫道在於山事須
 依山而受道在在市事須依城市而受道在
 下惡做賤之人亦須依指示而投不得輕師
 慢道言似有輕即夫人身而為下鬼者更不
 復人身輕浮華是下人之妻身且有道德卿
 曾聞膝下拜為師何忽失言輕笑他自責已
 身罵以小年無知於庸下女人受三五及上
 清等法痛之甚卿豈不有此言孟司馬對曰
 却是詢凡愚庸下及笑於師且術輕浮今得
 上真之位稱上天夫人詢至愚至凡宗顯无
 識死罪伏願天尊大道遣力見念今作何法
 禮謝見捨其罪後聖君再告卿但於三五正
 法帶佩於身本命日悔過謝其言之及甲子
 日亦須謝過二年之內必當得道詢依言謝
 之二年後聖君召為後宮南府大司馬主教

十天合得仙真輕師之遺後聖君再告尹真
 人師若凡常其理亦不得言其師有過失况
 其師有志道更不得失言亦便為試不過太
 上遠見必如其罪罪書輕師師弟失神仙之
 品逃仙二階師亦逐階換之悔之老君曰夫
 為師傳受大道之法若自未究其道源通靈
 通天地濟世之術有功即不合為人師妄傳
 至道令其繼代失道宗元彼此得罪不輕此
 等天曹判輕泄之罪者黃帝時有南山君註
 姓南山君隱山有學知儒禮樂之典甚深
 稱積德積仁深入大道之教棲山四十餘載
 不出人間傳弟子一千人以名多忽聞上帝
 勅令侍仙真人下勸其南山君曰責卿學道
 師何人今傳道法於眾山君對曰師西山君
 註姓西山君今改姓白取白西義名西番
 地於是真人令司命召西山子到又責曰卿
 輒稱有道何德於天何德於地何功於人忽
 傳至道於南山子傳眾百姓多以洩露天文
 烹湯真聖烝穢天文且子身未通靈濟身未
 得老病垂死忽爾度人太上大道君令我召

汝問其妄度人之由速須一一具說其由我
 當上奏亦與子開正方便出過減罪西山子
 對君以志心學道久隱山中本自修行後當
 濟民而被南山子若以膝行求受烝術并五
 帝靈符註今真文是又五符是三皇內錄金
 經註金鎖流珠是也玉錄註二十四道君玉
 華七卷等三十六卷且臣昔於吳天氏邊受
 得以代相繼不許妄為伏願天真哀救西君
 洩露天書之過非敢妄不受而則自傳不相
 代伏受正盜傳度之罪真人曰不道君妄傳
 為受法自己未得通靈年限未滿何積違科
 別无盜用之名據此罪亦合退仙子但言得
 保舉人廣成君保無洩露即身得無過西山
 君再拜稱死罪再謝真人上天宮啓太上適
 罪也註若據如此即不可妄傳傳須得其理
 依科也後聖君告天師曰卿繼代傳三五正
 法上清真經內錄等周三元五靈註五靈法
 中法同備中謂之五靈也畢即受真烝烝
 有三等上等三元為之元炁上天為大道文
 法中等五行為之真炁上天為之武法下等

六甲謂之神炁天上人中地謂之一文一武
 禁炁通神之刀故學道初門為神仙初品告
 今後學人莫不先依之以受法錄周畢者受
 此三等真炁以知修行之門得日日言功上
 士功滿三千白日昇天包三元五行六甲七
 星註星躡步天網地紀法六法註正一三元
 五行六甲七星八卦九宮六法俱管天地神
 室周遍无不伏心受驅使之俱周畢分旌分
 節授劍訖即師分旌節名簡於洞府地戶九
 仙宮之門註地戶仙宮正是括蒼洞天括蒼
 山中是東正樂成西連括州南正永嘉北括
 樂安是也師於門授單書寫人間法錄經籍
 靈書等法足即從六甲法中及躡步中修行
 言功功滿白日上昇如欲人間及本師言奏
 給世上真官之位御須繼代著書封入仙鄉
 里貫一一上奏係天曹籍於是天師奉太上
 之言封西蜀山二十四所為治置治官以通
 地戶九仙之意註天師云去東南地戶遠所
 以封置蜀山請為二十四治每治請係合昇
 天仙一萬人以代地戶九仙宮之數當天師

在世時移地戶仙宮事於蜀判天師上昇後
 又移於括蒼山東正洞天中判但地上有事
 皆此官奏上天曹取報告天符即下老君告
 東海東水陸仙母註水陸仙母彭夫人也彭
 祖長女也初嫁王家十年夫亡再嫁孟家夫
 又亡遂即清高尚心學道初見地蛇於塵中
 行屈曲之路因以學曲行三步常往往行之
 吾弄耳如此得七年忽見一女曰學步綱也
 對曰問以亂行非為步也因每日學蛇行所
 以履之稍熟令人好行之非有心求道如此
 矣行某道有志心求道作此妖妄更令人心
 修有何所益女子曰蛇步龍綱祥辟不祥也
 吾是西王母侍女也見母好步綱爰以躡地
 紀之法與之母行一十四年昇東海東太上
 封方文山女居之為水陸仙母今掌方丈及
 海陸地女人求仙主教天使今所傳而成至
 道曰汝世人也受仙師之教得仙在速汝教
 世人須以傳其志人也亦令三五之法備周
 直指其元令得在速非人勿傳之勿犯之當
 退汝身今近代傳七女子皆得道後聖統仙
十六

總真王君曰從此卷向前是上元之法也

金鎖流珠引卷之三



10207 A 516-4